

Montadra d'implants solars AFP

Montader d'implants solars AFP

Gebäudetechnik

Energie

Durada

2 onns

Terminaziun

Eidgenössisches Berufsattest
EBA

Indicaziuns davart il salari

1. onn d'emprendissadi: CHF
900.-
2. onn d'emprendissadi: CHF
1100.-

Sco montadra u montader d'implants solars monteschas ed installeschas ti indrizs solars sin tetgs e vi da fatschadas. Ti controlleschas regularmain il stadi dals indrizs e reparas quels.

Incumbensas

Preparar lavurs

- controllar las incumbensas e planisar las lavurs
- controllar e preparar il material ed ils apparats da lavur, p.ex. las maschinas da furar ed ils moduls solars
- entrar en contact cun la clientella
- far skizzas d'elements da construcziun simpels, p.ex. d'ina fixaziun da metal
- infurmar las persunas superiuras davart il stadi da las lavurs

Montar indrizs solars

- fixar la subconstrucziun sin il tetg, uschia che l'indriz solar po vegnir montà en moda segira e stabila
- montar ils moduls solars sin la subconstrucziun
- enconuscher e realisar las reglas da segirezza, p.ex. las reglas per lavurar sin ils tetgs
- collavurar cun cuvratetgs, lainarias ed installaturs d'implants solars

Mantegnair e demontar indrizs solars

- controllar regularmain, sch'ils indrizs funcziunan
- nettegiar ils indrizs
- demontar ils indrizs, sch'els na vegnan betg pli duvrads u ston vegnir remplazzads
- dismetter en moda ecologica ils indrizs demontads

Ambient da lavur

Sco montadra u montader d'implants solars lavuras ti en il liber e bunamain da tutt'aura. Durant lavurar portas ti chapellina, chalzers da segirezza e guants. Ti lavuras en in team en l'aut sin tetgs, savens en posiziuns malempernaivlas. La stad datti per regla dapli lavur che l'enviern.

Ti lavuras en interpresas ch'èn sa spezializadas sin il provediment d'energia: energia electrica u solara. La dumonda d'installaziuns solaras crescha, perquai èn tias perspectivas sin il martgà da lavur bunas.

Pretensiuns e interess

Pretensiuns

- Senza sturnizi
- Abilitad da lavurar en in team
- Imaginaziun tridimensiunala
- Prontezza d'esser savens sin viadi
- Inschign manual
- Resistenza a la temperatura u a l'aura
- Resistenza corporala

Interess

- Lavurar en il liber
- Esser corporalmain activ
- Lavurar cun ils mauns

Scolaziun

Manaschis

Furmaziun pratica en ina interpresa dal provediment d'energia, ina firma d'installaziun solara, ina firma d'installaziuns electricas u ina interpresa da la bransch solar

Scola

1 di per emna a la Scola tecnica spezializada Berna u curs da bloc dad 8 emnas per onn en il Center da furmaziun Polybau ad Uzwil (SG) u a la Scola professiunala spezializada artisanala a Grenchen (SO)

Curs odaifer il manaschi

Uzwil: 20 dis durant 2 onns

Durada

2 onns

Cundiziuns d'admissiun

Terminà la scola obligatorica

Titel da finiziun

Montader / Montadra d'implants solars AFP

Furmaziun cuntinuonta

Curs

Purschidas da l'associaziun **Swissolar** ↗

<https://www.swissolar.ch/de/bildung/swissolar-kurse>

Emprendissadi supplementar

Sco montadra e montader d'implants solars AFP pos ti per regla far in emprendissadi scursanì d'installatura u installatur d'implants solars AFQ.

Professiuns sumegliantas

Ulteriuras infurmaziuns

Swissdoc Nummer

TODO

Swissolar

<https://www.swissolar.ch/de>

Schweizerischer Branchenverband für Sonnenenergie

Solarlehre

<https://solarlehre.ch/>

Informationen für Schüler/innen, Eltern und Berufsberater/innen

TODO

<https://www.becc.admin.ch/becc/public/bvz/beruf/show/52015?lang=de>